

## ԻՍԿ ԴՈՒ ԱՍԵԼ ԵՍ...

Եսայի 54.17 – Քո դեմ ստեղծված ոչ մի զենք հաջողություն չի ունենալու, և ամեն մի լեզու, որ դատաստանի է ելնում քո դեմ, պիտի դատապարտվի: Սա է Տիրոջ ծառաների ծառանգությունը, և ինձնից է գալու նրանց արդարությունն **ասում է Տերը:**

- Երբայերեն բնագրում «ne'um YHWH» արտահայտությունը հանդիպում է մոտ 360+ անգամ (սովորաբար նշվում է մոտ 361 անգամ):

Ղուկաս 5.4-5 Եվ երբ խոսելուց դադարեց, Սիմոնին ասաց. Քշի՛ր դեպի խորքը, ու ձեր ուռկանները զցե՛ք որսալու: Սիմոնը նրան պատասխանեց. Վարդապե՛տ, ամբողջ գիշեր չարչարվել ենք ու ոչինչ չենք բռնել, **բայց քո խոսքի համար ուռկանը կզգեմ:**

Գ Թագ. 17.4 – Այն հեղեղատից ջուր կխմես, **իսկ ես ագռավներին հրամայել եմ**, որ քեզ կերակրեն այնտեղ:

- Այս խոսքերը՝ «ԻՍԿ ԴՈՒ ԱՍԱՑԻՐ», վերցված են Հակոբի աղոթքից՝ Ծննդոց 32-րդ գլխից:
- Հակոբը պատրաստ էր առերեսվելու իր չլուծված անցյալին:

## ԲԱՆԱԼԻ ՀԱՄԱՐ. ԾՆՆԴՈՑ 32

9 Եվ Հակոբն ասաց. Ո՛վ իմ հոր Աբրահամի Աստված և իմ հոր Իսահակի Աստված, ո՛վ Տեր, **որ ինձ ասացիր**. Վերադարձիր քո երկիրը և քո ազգականներին, և քեզ բարիք կանեն: 10 Ես արժանի չեմ այն բոլոր ողորմություններին և ամեն հավատարմությանը, որ ցույց ես տվել քո ծառային, որովհետև իմ գավազանովն անցա այս Հորդանանից, իսկ հիմա երկու խմբի տեր եմ դարձել: 11 Հիմա ինձ ազատիր իմ եղբայր Եսավի ձեռքից, որովհետև վախենում եմ նրանից. միգուցե գա և հարվածի ինձ և մորն՝ երեխաների հետ: 12 **Իսկ Դու ասել ես**, թե՛ անպայման քեզ բարիք կանեն և քո սերունդը ծովի ավազից ավելի կանեն, որ շատ լինելուց չի հաշվվի:

- Երկու անգամ Հակոբը աղոթքի մեջ կրկնում է այս հզոր խոսքերը՝ «**Իսկ Դու ասել ես**» (խոսք 9 և 12):
- Հակոբի աղոթքը Աստծու խոսքի ուղիղ մեջբերումն է՝ ուղղված Աստծուն:

## «ԻՍԿ ԴՈՒ ԱՍԱՑԻՐ»-Ը ՄԵՐ ԻՇԽԱՆՈՒԹՅՈՒՆՆ Է ԱՂՈԹՔԻ ՄԵՋ:

### որովհետև

...անհնար է՝ Աստված սուտ խոսի (Եբր. 6.18):

Աստվածաշունչը ամեն օր կարդալը օգնում է ավելի արդյունավետ աղոթել:

Աստված միշտ արձագանքում է Իր Խոսքին:

Ա Յովհաննես 5.14-15 – Սա է այն ՎՍՏԱՅՈՒԹՅՈՒՆ, որ նրա նկատմամբ ունենք, թե ինչ որ **ըստ նրա կամքի** խնդրում ենք, լսում է մեզ: Եվ եթե գիտենք, որ լսում է մեզ, ինչ որ խնդրում ենք, գիտենք նաև, որ նրանից ստանում ենք մեր խնդրածները:

- Նրա կամքը գտնում ենք Նրա Խոսքում:

## **ԻՆՉ ԷՐ ՄԵՋԲԵՐՈՒՄ ՀԱԿՈՐԸ:**

Հակոբը վերադառնում է երկու վայր, որտեղ Աստված խոսել էր իր հետ:

- **Առաջին վայրը՝ Ծննդոց 28, որը եղել էր 20 տարի առաջ:**

Ծննդոց 28.12-15 – 12 Եվ երազ տեսավ. ահա երկրի վրա դրված էր մի սանդուղք, որի ծայրը դիպչում էր երկնքին: Եվ ահա Աստծու հրեշտակները նրանով բարձրանում ու իջնում էին: 13 Եվ ահա Տերը կանգնած էր դրա վրա. ...15 Ահա ես քեզ հետ եմ և ամեն տեղ, ուր էլ գնաս, ես կպահպանեմ քեզ և քեզ կվերադարձնեմ այս երկիրը, որովհետև քեզ չեմ թողնի, մինչև որ չկատարեմ այն, ինչ որ ասել եմ քեզ:

19 Եվ այդ տեղի անունը Բեթել դրեց.

- **Երկրորդը՝ մեկ ամիս առաջ, Ծննդոց 31**

Ծննդոց 31.3 – Տերն ասաց Չակոբին. Վերադարձիր քո հայրերի երկիրն ու քո ազգականների մոտ, և ես քեզ հետ կլինեմ:

- **Առաջին երազը՝ ժամանակի և խոստումի հետ էր կապված:**

- **Երկրորդ երազը՝ վերադարձ դեպի խոստումը:**

**Երկուսի համար էլ մենք պետք է լսենք Աստծու ձայնը:**

**Ջորավոր աղոթքը այն է, երբ մեջբերում ես Աստծու խոսքը՝ Աստծուն ուղղած:**

**Իսկ Դու ասել ես...**

**Մովսես.** Չիշիր քո ծառաներ Աբրահամին, Իսահակին և Իսրայելին, որոնց դու երդվեցիր քո անձով և ասացիր նրանց. Երկնքի աստղերի չափ պիտի շատացնեմ ձեր սերունդը և այս ամբողջ երկիրը, որի մասին խոսեցի, ձեր սերնդին պիտի տամ, և հավիտյան պիտի ժառանգեն (Ելից 32.13):

Մովսեսն ասաց Տիրոջը. ... **Դու ինձ ասացիր.** “Քեզ ձանաչում եմ քո անունով, և իմ առջև շնորհ գտար (Ելից 33.12)

**Դավիթ.** Եվ հիմա, ո՛վ Տեր Աստված, այս խոսքը, որ ասել ես քո ծառայի և նրա տան համար, հավիտյան հաստատիր և արա՛ ասածիդ պես (2 Թագ. 7.25)

**Յովսափաթի աղոթքը. «Մի՞թե Դու չես ասել...»**

6 Ո՛վ մեր հայրերի Տեր Աստված, **դու չես այն Աստվածը**, որ բնակվում է երկնքում և տիրում է ազգերի բոլոր թագավորությունների վրա. քո ձեռքում են զորությունն ու ուժը, և ոչ ոք չի կարող քո դեմ կանգնել: 7 **Չէ՞ որ դու**, ո՛վ մեր Աստված, քշեցիր այս երկրի բնակիչներին Իսրայելի քո ժողովրդի առջևից և երկիրը հավիտյան տվեցիր քո սիրելի Աբրահամի սերնդին:

14 Այն ժամանակ հավաքված ժողովրդի մեջ Տիրոջ հոգին իջավ (Բ Մնաց. 20.6-7,14)

**«ԻՍԿ ԴՈՒ ԱՍԱՑԻՐ»-Ը ՄԵՐ ԻՇԽԱՆՈՒԹՅՈՒՆՆ Է ԱՂՈԹՔԻ ՄԵՋ:**

**Իսկ Դու ասել ես**

Եթե թշնամին հեղեղի պես գա, Տիրոջ Յոգին դրոշ (statndard) պիտի բարձրացնի նրա դեմ (Եսայի 59.19):

**Իսկ Դու ասել ես**

Դուք Աստծուց եք, որոյակներ, ու հաղթեցիք նրանց, որովհետև ավելի մեծ է նա, որ ձեր մեջ է, քան թե նա, որ աշխարհի մեջ է (Ա Յով. 4.4):

### **Իսկ Դու ասել ես**

Նրա վերքերով մենք բժշկվեցինք (Եսայի 53.5):

### **Իսկ Դու ասել ես**

Բայց այս ամենի մեջ մենք ավելի քան հաղթողներ ենք  
Նրանով, ով մեզ սիրեց (Յո. 8.37):

### **Իսկ Դու ասել ես**

Եթե Աստված մեր կողմն է, ո՞վ է մեզ հակառակ (Յո. 8.31):

### **Իսկ Դու ասել ես**

Տիրոջ անունն ամուր աշտարակ է. արդարը վազում է այնտեղ  
և ապաստան գտնում (Առակաց 18.10)

### **Իսկ Դու ասել ես**

Քեզ չեմ թողնելու ու չեմ լքելու: Այնպես որ համարձակվում  
ենք ասել. Տերն է իմ օգնականը, և ես չպիտի վախենամ.  
մարդն ինձ ի՞նչ կարող է անել (Սաղ. 118.6, Եբր. 13:5-6):

### **Իսկ Դու ասել ես**

Կատարյալ խաղաղության մեջ կպահես նրան ում միտքը Քո  
վրա է մնացել, որովհետև Քեզ է հուսացել (Եսայի 26.3):

### **Իսկ Դու ասել ես**

Որովհետև քեզ համար հրամայել է իր հրեշտակներին, որ  
պահեն քեզ քո բոլոր ճանապարհների մեջ (Սաղ. 91.11)

### **Իսկ Դու ասել ես**

Ամբողջ տասանորդը գանձատուն տարեք, որպեսզի իմ  
տան մեջ պաշար լինի, և սրանով ինձ փորձե՛ք,- ասում է

*Զորքերի Տերը,- թե արդյոք ձեզ համար չեմ բացելու երկնքի պատուհանները և օրհնություն հեղելու ձեզ վրա, այնքան շատ, որ բավարար տեղ չլինի (Մաղաքիա 3.10)*

### **Իսկ Դու ասել ես**

*Երբ ջրերի միջով անցնես, ես քեզ հետ կլինեմ, երբ անցնես գետերով, դրանք քեզ չեն ողողի, երբ քայլես կրակի միջով, չես այրվի, և բոցը քեզ չի լափի, (Ես. 43.2)*

### **Իսկ Դու ասել ես**

*Արդ հնազանդվե՞ք Աստծուն, դիմադրե՞ք սատանային, ու նա ձեզանից կփախչի (Չակոբոս 4.7):*

### **Իսկ Դու ասել ես**

*Այն ամենը, ինչ աղոթքով խնդրեք, հավատացե՞ք, որ կստանաք, ու դա կտրվի ձեզ (Մարկոս 11.24):*

### **Իսկ Դու ասել ես**

*Կանչիր ինձ, և ես քեզ կպատասխանեմ, և ես քեզ մեծամեծ ու խորհրդավոր բաներ պիտի պատմեմ, որոնք դու չես իմացել (Երեմիա 33.3):*

**ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ ՄԻՋՈՑՈՎ**